

Epea ireki zenetik bi milatik gora etorkinek egin dute eskaera beren egoera legeztatzeko

Hiru hilabete geratzen dira oraindik egoitza eta lan baimenak galdegiteko

I. Petxarroman / Donostia

Espainiako Atzeritarren Legea arautzen duen dekretua indarrean jarri zenetik hilabetea igaro dela, 2.079 eskaera egin dituzte etorkinek joan den asteburua arte, egoitza eta lan baimenak lortzeko. Beren egoera legeztatu nahi dutenek oraindik hiru hilabete dituzte eskaera egin eta tramitea egiteko.

ATZERRITARREN Legeak aukera ematen die 1999ko ekainaren 1az geroztik Espainian edo Hego Euskal Herrian bizi ziren etorkinei euren egoera legeztatzeko. Martxoaren 21ean jarri zen indarrean dekretua; hilabete igaro da, beraz, harrezkerotik. Denbora horretan, ehunka eskaera egin dituzte Hego Euskal Herrian bizi diren etorkinek egoitza edo lan baimena lortzeko. Hain zuzen ere, 2.079 eskaera izan dira azken asteburua arte, EGUNKARIAK jaso dituen datuen arabera.

Eskaera gehienak Nafarroan izan dira. Herrialde horretan, 811 pertsonak eskatu zituzten lan edo egoitza baimenak joan den asteazkena arte, herrialdeko Gobernu Ordezkaritzak emandako datuen arabera. Gehienek lan egiteko baimenak eskatu dituzte, beste baten kontura lan egiteko baimena hain zuzen ere.



JESUS DIGES / EFE

Etorkinak, lan baimenak eskatzeko zain, iaz, Espainiako Lan Ministerioaren Iruñeko egoitzan.

Bizkaian, 783 eskaera izan dira, hango Gobernu Ordezkaritzak kazeta honi adierazi dionez. 605ek lan egiteko baimena galdegin dute, eta 101ek egoitza baimena.

Eskaera gutxiago izan dira Gipuzkoan eta Araban. Gipuzkoako Gobernu Ordezkaritzaren arabera, joan den asteazkena arte 248 etorkinek egin dute eskaera beren egoera legeztatzeko; Araban, berriz, 237k bete dituzte

■■■ Hego Euskal Herrian, 10.000 etorkin bizi dira paperik gabe, gobernuz kanpoko zenbait erakunderen datuen arabera

horretarako tramiteak. Herrialde horretan, 1.600 lagunek baino gehiagok eskatu dute informazioa jakiteko zer baldintza eta zer aukera dauden kasu bakoitzean.

Hego Euskal Herrian, dekretua indarrean jarri denetik 10.000 etorkin bizi dira paperik gabe, gobernuz kanpoko erakundeek eta instituzioek dituzten datuen arabera.

Espainian
80.000 eskaera

■ ESPAINIAN 80.000 etorkinek eskatu dute beren egoera legeztatzeko igaro den hilabetearen, Administrazio Publikoetarako Ministerioak emandako datuen arabera.

Ministerio horren arabera, martxoaren 21etik apirilaren 19ra bitartean 82.168 eskaera egin dituzte etorkinek Espainian eta Hego Euskal Herrian, horretarako prestatu dituzten administrazioaren bulegoetan.

Epe horren barruan egindako eskaera horietatik 11.894ri baiezkotzea eman die administrazioak.

Kopuru horiek ikusita, Langileen Batasun Sindikalak (USO) atzo adierazi zuenez, 150.000 eskaeratik goiti izango dira orain arte izandakoak kontuan hartuta.

Sindikatuak gogorarazi du oraindik hiru hilabete geratzen direla tramiteak betetzeko, hasieran bi hilabeteko epea eman bazuten ere gero luzatzea erabaki baitzuten, lau hilabetera.

Zenbait lekutan, Nafarroan esate baterako, gobernuz kanpoko erakundeak Gobernuarekin batera ari dira lanean prozesu honetan. Hain zuzen ere, Gurutze Gorria, Caritas, Anafe, Centro Guia eta Tuterako UGT ari dira lanean etorkinak informatzen eta bete beharreko inprimakiak ematen. Eskaerak, baina, Gobernuaren egoitzetan utzi behar dira.

Bihar

Urkuluko urtegia

Everest'2000: Mendizaleak ipar lepora iritsi dira, baina hotz egiten segitzen du

Elkarrizketa Iñurrategi anaiekin: «Konfiantzarekin goaz Annapurnara»

«Sokan»: Gaizka Aseginolaza, euskaldun bat Camel Trophy proban.

...zure independentzia

Egunkaria

independentzia